

## اختـر خاتـمتـك بـنـفـسـك "قصـص واقـعـيـة عن حـسـن وسـوـء الـخـاتـمـة"

### #محاضرة | د. حازم شومان

حازم شومان

رب الحمد لله وكفى وصلوة وسلاما على عباده الذين اصطفى. اللهم لك الحمد كله ولك الملك كله وبيك الخير كله واليک يرجع الامر كله. لبيك يا ربنا وسعديك. والخير كل الخير في يديك والشر ليس اليك. انا بك واليک تبارك وتعاليت - 00:00:00

استغفرك واتوب اليك. اللهم صل على الحبيب محمد وعلى ازواجه امهات المؤمنين وعلى ذريته وآل بيته انك حميد مجيد. اما بعد 00:00:20

اسأل الله العلي العظيم ان ينزل من بركاته ورحماته على اهل هذه القرية. اللهم انزل عليهم من برراتك ورحماتك. اللهم - 00:00:40

بارك لهم في توكلهم عليك. اللهم بارك لهم في ايمانهم ويقينيهم. نسأل الله سبحانه وتعالى ان يكرمنا ولا يهنا. وان يعد تعطينا ولا يحرمنا وان يؤثر علينا انه ولد ذلك القادر عليه. اما بعد اخوانی واحبابی في الله فيعني كلمة يعني 00:01:00

باذن الله سبحانه وتعالى نتذكر بها امر من امور دينا وامر من امور الدار الاخرة في هذه الايام التي يعني كثرت فيها اسباب الغفلة كثـرـةـ اـسـبـابـ الـاـشـفـالـ عـنـ اللـهـ سـبـحـانـهـ وـتـعـالـىـ - 00:01:20

السماعة طب اقول لكم حاجة اسيب الميكروفون واتكلم كده صوتي حلو. انا صوتي بيوصل من غير ميكروفون نجرب. كده من غير لا لا لا يا جماعة ايه ان شاء الله الصوت هيوصل ان شاء الله باذن الله. طب نجمع كده شوية بقى نجمع كده. ان شاء الله باذن الله. ان شاء الله الصوت كده يوصل - 00:02:00

كوييس باذن الله بس الاول بس يا اخوانا يعني يعني هتعشونا ولا هنمشي كده آآ هتعشونا ايه عندكم في المخزن هنا بط؟ ربنا يحفزكم يا رب. ربنا بيارك فيكم. ربنا يكرمكم - 00:02:20

يعني سبحانه الله العظيم يعني آآ اهم حاجة يعني قال رسول الله صلى الله عليه وسلم ان الرجل ليعمل بعمل اهل الجنة فيما يبدو للناس يعني قدام الناس كوييس. انما هو ممكن بينه وبين ربنا ما هواش كوييس. ما هواش بنفس الصورة. اللي قدام الناس. ان الرجل ليعمل - 00:02:40

فلاهل الجنة فيما يرى للناس حتى ما يكون بينه وبينها الا ذراع في عمل بعمل اهل النار فيدخلها والعياذ بالله. يعني ربنا يعني يعني والعياذ بالله يذوق سوء الخاتمة لانه كان في السر بيعمل اعمال سيئة الناس ما هياش عارفاه - 00:02:40

وقدام الناس عامل كوييس قدام الناس. فربنا يمهله طول عمره انه يغير حاله. لما ما يغيرش حاله فيبتلى بسوء الخاتمة والعياذ بالله وان الرجل ليعمل بعمل اهل النار فيما يرى للناس. هو ممكن قدام الناس وحش ولكن هو فعلًا ممكن يكون عنده خير او جواه - 00:03:00

فحتى ما يكون بينه وبينها الا ذراع فيعمل بعمل اهل الجنة فيدخلها اسمع بقى النبي عليه الصلاة والسلام بيقول ايه وانما الاعمال قالوا ايه ؟ ها؟ بالخواتيم. وانما الاعمال بالخواتيم يا جماعة. يعني اخطر عمل في حياتك - 00:03:20

حياتك هو اخر عمل في حياتك. اخطر عمل في حياتك هو اخر عمل في حياتك. طب آآ طب اعمل ايه؟ طب انا يعني ازاي يبقى اخر عمل في حياتك كوييس ؟ من عاش على شيء مات عليه. يبقى اخر عمل في حياتك ده انت اللي بتختاره - 00:03:40

اختـر خـاتـمتـك من الان. انت اللي بتختارـ الخـاتـمـةـ بتـاعـتـكـ تـقـيـ خـاتـمـةـ حـسـنـةـ وـلـاـ خـاتـمـةـ سـيـئـةـ ؟ اـزاـيـ؟ عـلـىـ حـسـبـ اللـيـ عـلـيـهـ يـعـنـيـ كـنـاـ فيـ المـنـصـورـةـ كـدـهـ وـلـقـيـتـ شـابـ مـنـ الشـابـ وـاقـفـ مـعـ فـتـاةـ يـعـنـيـ مـنـظـرـ مـعـتـادـ دـلـوقـتـيـ يـعـنـيـ رـبـنـاـ يـعـافـيـ شـابـنـاـ يـاـ رـبـ - 00:04:00

ويعني واقف وما صلاش وبيدخن سيجارة والسيجارة فيها مخدرات. فدخلت اكلمه بقول له يا حبيبي اللي انت بتعمله ده حرام. قلت له انت صليت الضهر قال لي قلت له طب العصر لسه عليه نص ساعة. يعني انت الوقت ربنا بيناديك من تلات ساعات وانت ما بتلبيش نداء ربنا. قلت له انت الوقتي لو مت - 00:04:20

تقابل ربنا على ايه؟ لو مت دلوقتي هتقول لربنا ايه؟ لو ملك الموت جا لك الوقت هتقول لربنا ايه؟ فهو يعني ايه؟ يعني الكلام قلت له يا ابني انت واقف بتعصي ربنا خاف من نظرة غضب من ربنا من فوق سبع سماوات. لو ربنا اطلع عليك وانت على معصيته. فنظر -

00:04:40

لنك نظرة غضب انت ممكן تزوح فيها. المهم قلت له خاف من ملك الموت. المهم لا صلى ولا ساب السيجارة ولا ساب البنت اللي كان واقف معها. وخلاص ومشيت وسبته - 00:05:00

هذا الشاب مات بعد تلت تيام. الشاب السليم ده هو اللي ما فيش فيه اي مشكلة دهوه. مات بعد تلات تيام. بعد اتنين اربعين ساعة مات. كان مع اصحابه وهو برضو بيشرب يعني اللي كان بيشربه دوت مات وسبحان الله العظيم تحت الكوبري الجديد بتاع -

00:05:10

ده الكوبري اللي بيطلع على الطريق السريع ده. اصحابه رموه من العربية وطلعوا يجروا. يعني ده قبل ما يموت بتلات تيام بقول له يا ابني خاف من ملك الموت - 00:05:30

ده لو كان سمع الكلام يا جماعة. ده لو كان صلى يا اخوانا. ده لو كان اتغير يا جماعة. هو ما هوش عارف ان لسانه اتنين وسبعين ساعة على اول ليلة في القبر - 00:05:40

00:05:50

عارفين الشيخ كشك الله يرحمه عارفين مات ازاي؟ عارفين مات ازاي الله يرحمه. الشيخ كشك مات يوم الجمعة. مات يوم الجمعة الصبح. الله يرحمه والنبي عليه الصلاة والسلام يخبرنا ان بيموت يوم الجمعة يعني ربنا بينجيه في قبره. الشيخ كشك يوم الخميس بالليل نادى ابنه هي كده كده بقى من غير ميكروفون - 00:06:10

منورين يا رجاله. وحدوه. الله اخيرا طيب الشيخ كشك الله يرحمه يوم الخميس فيه حاجة ولا ايه؟ لا انت خلينا نشوف الناس اهم حاجة الشيخ كشك الله يرحمه يوم الخميس بالليل نادى ابنه وقال له يا ابني - 00:06:30

النبي عليه الصلاة والسلام مات وهو عنده كم سنة؟ قال له تلاتة وستين سنة. قال له الحمد لله. انا النهاردة تميت ثلاثة وستين سنة. فضل وملة الله سبحانه وتعالى تاني يوم صلى الفجر وقعد جلسة الضحى قعد يسبح ربنا لحد ما الشمس طلعت ده اليوم اللي مات فيه. ده كده لسه له ساعتين ويموت. يعني سبحانه الله - 00:06:50

00:07:10

وقد يسبح ربنا لحد الشروق وجلسة الضحى دي باجر حجة وعمره. اللي يصلی الفجر في جماعة ويقعد يسبح ربنا لحد الشروق. وظل يسبح الله الحسنة الشروق بعد كده نادى زوجته قال لها انا شفت الليلة رؤية. قالت له شفت ايه؟ قال لها شفت النبي عليه الصلاة والسلام. وسيدنا - 00:07:30

عمر بن الخطاب وكانوا وافقين جنب بعض وبعد كده انا وقعت مت ما بين النبي وما بين سيدنا عمر. فالنبي يعني ايه يعني فخدوه وغسلوه يعني. فمراته قالت له انت بتتحكي لي الحلم الوحش ده ليه؟ قال لها مين قال لك ان الحلم ده وحش؟ قال قالت له آآ يعني عشان مات فيه يعني. قال لها انا - 00:07:50

الله يرحمه المولدة دي يا اخوانا يعني كل واحد مننا يدفع فيها قد ايه؟ كل واحد مننا يدفع قد ايه عشان يموت المولدة دي؟ من عاش على شيء ان مات علي شفت صورتين سبحان الله العظيم يهزوا اي قلب. شفت صورة شاب مات في الحمام اعزكم الله وهو بيشرب -

00:08:10

مخدرات وهو يعني بياخذ الجرعة جا له سكتة قلبية وقع مات. ومصوريه والصورة الثانية صورة واحد مات في المسجد النبوي وهو ساجد الرجال نزل مع الناس بيصلى الناس خلصت صلاة وده لسة ساجد. بيذول اقوم لقوه مات. فده واحد عاش على المعصية -

00:08:30

فمتع المعصية. وده واحد عاش على الطاعة فما تقطعش. فكل واحد مننا عايز يموت على ايه؟ كل واحد مننا يموت على اللي عاش عليه. أحد أخوانا يعني ربنا يحفظه يا رب. كان في قرية من القرى كده يعني جنبنا فهو خارج قالوا له في ام ابنها مات. تعال عشان تعزيبها في موت ابنها - 00:08:50

يعني وابنها كان في بكالريوس حقوق ومات قبل امتحاناته بشهر تعالى. يعني قل لها كلمة رينا يصبرها بها يعني. فصاحبنا راح عشان يسلم على الام ويقول لها كلمة بيقول دخلت لقيت الام شكلها صابر ومحتسب بفضل الله سبحانه وتعالى ولقيت اصحابه قاعدين على جنب كده قاعدين منهارين من البكاء - 00:09:10

۱۰۰

٠٠:٠٩:٣٠ **بعد قبول لقيت اصحابه هم اللي عايزين حد يعيزيم. فرحت اقعد وسط اصحابه. فبيقول قاعد وسط اصحابه. فبيقول لهم يا شباب وان شاء الله صاحبكم في الجنة فواحد قال له جنة ايه؟ قال له انت عارف صاحبنا مات ازاي؟ قال له احنا كنا سهرانين بنزاكر مع**

قال وحدنا. فصاحبنا يعني في وسط الليل كده قال لهم اجيب لكم فيلم من الافلام السيئة اللي على شبكة النت. جاب لنا فيلم نتفرج عليه بيقولوا له صاحبنا شهتوه فارت. فدخل للخلاء حتى يقع في العادة السيئة. حتى يقع في العادة السرية. بيقول قفل عليه الباب -

00:09:50

بعد عشر دقائق ما خرجش. ربع ساعة ما خرجش. تلت ساعة ما خرجش. نادوه ما ردش. خبطوا الباب ما فتحش. بيقول له كسرنا الباب دخلنا هنا صاحبنا ميت واخر حاجة قابل بها ربنا كانت العادة السيئة. واخر حاجة قابل بها ربنا كانت المشاهد السيئة اللي -

00:10:10

سبحان الله يا اخوانا الانسان ممکن يموت في اي لحظة. ملك الموت ممکن يتنزل في اي لحظة. عشان كده النبي عليه الصلاة والسلام يقول ان العبد المؤمن اذا كان في ايه ؟ في ايه ؟ في انقطاع من الدنيا. انقطاع انقطاع دا عاملين زي ايه - 00:10:30  
عارفين الكهربا لما قطعت الوقتي ؟ فجأة الكهربا قطعت. فجأة الميكروفون وقف. فجأة المراوح توقف. فجأة اللمط تطفى. كل حاجة وقفت. تليفزيونات وقفت كل حاجة توقف. ان العبد اذا كان في انقطاع يعني الموت ده فجأة يا اخوانا. الموت ده عامل زي قطع النور كده. فجأة اي حد مننا رايح مشوار يلاقي - 00:10:50

ناس حاجة كده نازلة له انتم مين؟ احنا ملائكة. منين من عند الله؟ ليه مكلفين من الله بقبض روحك؟ ليه؟ عشان اصعد بها الى الله عشان هتتحاسب على عمل عمل عملته. فالانسان ما دام الموضوع ده يعني سبحان الله العظيم كنا لسه راجعين من على طريق سفر كده من آآآ - 00:11:10

کده من آیا

وهو جاي من الحتة دي بيجوود من العربية بتاعته. جت عربية - 00:11:30

وهو جاي من الحطة دي بيجود من العربية بتاعته. حيت عربية - 00:11:30

نقل جابته نصين. وصل مستشفى الطوارئ يعني ميت الله يرحمه. الانسان بيموت في لحظة يا اخوانا. في لحظة اي حد مننا بيقابل ربنا في لحظة اي حد مننا بيموت ولكن يا ترى هيموت على حسن خاتمة ولا هيموت على سوء خاتمة؟ هيقابل ربنا على ايه؟ ما هي -

00:11:50

مشاهد يقينية كل واحد مننا له مستقبلين. مستقبل يقيني ومستقبل مظنون. يعني ايه مستقبل مظنون؟ كنت مرة معدى مع دكتور عبدالرحمن الصاوي لو تعرفوه ها هو زميلي ودفعته رينا يحفظه فمعدين جنب فيلا كده قال لي الفيلا دي صاحبها. فضل يبني فيها طول عمره ومات - 00:12:10

قبل ما يسكن فيها ولا يوم واحد. فمستقبل الدنيا مستقبل مظنون. فيه ناس سافرت تشتغل برة وهي راجعة في عبارة السلام تمانية وتسعين ولا في سالم اكسبريس ولا في اي عبارة ما تم قبل ما يصرفوا جنيه واحد من تحويشة العمر. فيه طلبة بيحصلوا شهادات جامعية وهيموت قبل - 00:12:30

قبل ما يكسب جنيهه من ورا الشهادة بتاعتته. فمستقبل الدنيا مستقبل مظلوم. انما مستقبل الاخرة يقين. يعني ايه يقين؟ يعني مش معنى انك ما بتفكرش في يوم يوم القيمة انك مش هتعيشه. مش معنى انك ما بتفكرش في اول ليلة في القبر. انك انت مش هتدخلها وتتحاسب. مش معنى انك انت ما بتفكرش - 00:12:50

في الصراط انك مش هتلالي نفسك قدامه بيتقاول لك عدي. انت في الدنيا واحد خمسين سنة ويوم القيمة خمسين الف سنة. يعني تخيلوا الناس مشغولة بخمسين سنة عن خمسين الف سنة. يعني سبحان الله العظيم! حاجة عجيبة يا جماعة! حاجة عجيبة ان انسان يتشغل بخمسين سنة عن - 00:13:10

خمسين الف سنة قال تعالى الذي خلق الموت والابه؟ ولا الذي خلق الحياة والموت. الموت الاول ليه؟ قال لك اصل اي حاجة رغم انك انت بتعيشها قبل ما تموت. قال لك ان اي حاجة في الحياة ممكن تحصل او ممكن ما تحصلش. انت ممكن تشتغل وممكن ما تشتغلش - 00:13:30

وممكن تفتنم وممكن ما تختناش. وممكن تتجاوز وممكن ما تتجوزش. وممكن تخلف وممكن ما تخلفس. انما مش ممكن تموت وممكن ما تموتش. القضية انت هتموت على ايه ؟ على اللي انت عشت عليه. واحد في عبارة سالم اكسبريس وكان احد الناس الافاضل رايح يغيث الغرقى - 00:13:50

لما العباره غرقت فيبيقول واحد يعني سبحان الله سمعتها منه منه باذني. بيقول واحد وهو بيعاول يغيثه فيبيقول له قل لا الله الا الله. فالراجل قعد يقول الشنطة الفلوس شقى عمري. الراجل معه تحويشة العمر راحت. فيبيقول له انت عارف ايه ولا فيه. انت بتموت - 00:14:10

وتقول لا الله الا الله. قال له الشنطة الفلوس بيقول فضل لحد ما مات لا يتكلم الا الشنطة الفلوس شاء عمري على ذلك. مش عارف يقول لا الله الا الله. مش عارف يقولها. انا مرة كنت في المستشفى وجت حالة كنا واقفين في استقبال المستشفى ساعتها - 00:14:30 وجت واحدة ست عندها يعني حاجة واربعين سنة اربعين ما اعرفش بالزبط عندها قد ايه. بس يعني مش كبيرة يعني. جت ست دخلت المستشفى فجأة الحقوني الحقوني انا بموت الحقوني يعني سبحان الله اترمت على السرير بتاع المرضى ها اللي في مكان الاستقبال وفي خلال نص دقيقة راحت في غيبوبة - 00:14:50

في خلال نص دقيقة كل زمايلنا طلعوا يجري اللي يجيبي جهاز ضغط اللي يجري يشوف جهاز سكر اللي يجري بقى يجيبي اي حاجة يعني اي يعني سبحان الله العظيم - 00:15:10

وفضلت انا معها في الاوضة الواحدة. انا باوصلها في نص دقيقة راحت في غيبوبة يعني يعني نادر انك تلالي حالة تتطور طبيا بالمنظور ده. او تتدھور بالمنزد ده بسرعة فانا باصص لها والله يا اخوانى وانا واقف بيص لها كده يعني مبهوت بالمنظور وبسرعة التدهور اللي حصل. لقيتها وهي في الغيبوبة قامت قايمة - 00:15:20

فتحت عينيها كده كانها بتقاوم عشان تفتح عينيها. وقالت اشهد ان لا الله الا الله. وشهاد ان محمد رسول الله وقامت واقعة ميت. سبحان الله! مين اللي صحى دي في الغيبوبة؟ مين اللي قوم ديت؟ مين اللي رزقها الشهادة عند موتها؟ سبحان الله العظيم - 00:15:40

يعني يعني واحد وهو بيموت بيقولوا له قل لا الله الا الله. قال لهم هعمل بها ايه؟ وانا عمري ما ركعت له ولا ركعة واحدة وهو

بيموت بيقولوا له قل لا الله الا الله. قال لهم هتنفعني بايه؟ وانا عمري ما سبت معصية الا وعصيته بها - 00:16:00

يعني تخيلوا يا اخواننا ساعة الموت يعني ياما حصل عجائب وياما شفنا عجائب وياما سمعنا عن عجائب الحمد لله ربنا يرزقنا حسن الخاتمة يا رب. الماية بتاعتكم حلوة ما شاء الله. ربنا يبارك فيكم ويحفزكم - 00:16:20

آ يعني سبحانه الله يا اخواني في قضية اخر عمل قبل الموت. العمل اللي الانسان هيلقى به ربنا سبحانه وتعالى هيقابل ربنا على ايه؟ احد اخواننا ساكن في شارع الجلاء في المنصورة وشغال هو شغل تانى فنزل وساب مراته العيال العمارة اللي في شارع الجلاء لو سمعته - 00:16:40

انا بالفترة اللي وقعت فالهم العمارة وقعت وهو برة زوجته ماتت. الله يرحمها. فلما شالوا الانقاض بيشيلوا الانقاض عن الدور اللي كانت فيه لقوها ميتة وهي واحدة المصحف في حضنها وحاضنة كتاب الله. وحاضنة المصحف. يعني اخر عمل كانت بتعمله في حياتها انها كانت ماسكة كتاب ربنا - 00:17:00

انها كانت بتقرأ في كتاب ربنا. من عاش على شيء مات عليه يا جماعة. يا اخواننا ده قانون يا اخواننا. قانون. لو تعرفوا الشيخ احمد جلال ربنا احفظه من الدعاء في المنصورة وفي قناعة الرحمة. كان كان في العمارة فكانوا ب يصلوا وهم بيحربموا من مسجد ابيار علي اللي عند المدينة المنورة. وهم رايحين - 00:17:20

في عمرة بقى لمكة للمدينة المنورة يعني كان معهم آ يعني كان معهم ناس بقى من الافاضل الناس. دكتور حازم النجدي اللي هو رئيس قسم العظام في مستشفى الجامعة المهم يعني فهم ب يصلوم في مسجد نبوى وكانوا ب يصلوا العصر فسجدهم يعني واحد جمبهم كده سجد رفض - 00:17:40

للسجود وهو لسه ساجد. سجدوا تانى وهو لسه ساجد. كملوا الصلاة وهو لستة ساجد. قروا التحيات وهو لسته ساجد. المهم خلصوا صلاة وهو ساجد. فيحاولوا يأزووه مش عارفين اه فندعوا دكتور حازم النجدي اللي كان معهم فيكشف عليه قال لهم الرجال مات. مات وهو ساجد. مات وهو محرم. مات وهو رايح يعمل عمرة - 00:18:00

مات في مدينة رسول الله صلى الله عليه وسلم. ايه ده! يعني سبحانه الله! لما سأله اولاده قالوا لهم كان دعاء ابونا انه بيتمنى ان ربنا يقبضه كان بيدعى ربنا وهو بيعد ربنا ان ربنا يقبضه وهو ساجد. سبحانه الله العظيم يا اخواني في الله. ناس بتموت وهي بشرب خمور. ناس بتموت وهي بتقع - 00:18:20

في المعاصي وناس بتموت وهي بتتصلي. وناس بتموت وهي بتقوم الليل. واحد صاحبنا دخل على ابوه لقاوه ميت وهو ساجد. ميت وهو ساجد. سبحانه الله العظيم يعني عجائب الخاتمة دي رزق. الخاتمة دي لو حسنة بتبقى وساب شرف ولو سيئة. عارفين برصيصة يا جماعة؟ عارفين قصة برصيصة - 00:18:40

بروسوس العابد بورصوصا ده عابد من عبادبني اسرائيل. يعني حب العبادة لدرجة انه راح بنى صومها على جبل. وطلع يعبد ربنا لوحده في الجبل ولدرجة انه انعزل عن الناس تماما عشان ما فيش اي حد يعطيه عن عبادة الله. الشيطان هيجن عشان يضل برصيصة - 00:19:00

مش عارف يعمل له ايه. يعني الشيطان من الشياطين قال له سببه لي. هتعمل له ايه؟ قال له سببه لي. ما لكش دعوة به. انا هتصرف معه. الشيطان ده راح بنى - 00:19:20

ومع جنب صومعة برصيصة. ولبس لبس عابد بقى وقعد يعبد ربنا ليل نهار. برصيصة لو تعب الشيطان ده ما يتبعش. برصيصة لو جا له يعني فطر ولا جا له ملل وخرج برة الصومعة يلاقي الشيطان قاعد يعبد ربنا. ليل نهار. لحد ما بورسيس اعتقد ان الشيطان ده والي من اولياء الله. ففيوم - 00:19:30

في الايام الشيطان بقى بعد ما حس ان الموضوع استوى خلاص قام قايم وقام رايح برصيصة. قال له يا ولی الله يا عبد الله علمي ما علمك الله؟ علمي حاجة برصيصة. فبرصيصة قال له انا اللي ولی الله. ده انت اللي ولی الاولياء. انت اللي تعلمي حاجة. قال له طيب - 00:19:50

ما خلاص طيب. انت ساميوني يا جماعة؟ طيب بسم الله. قال له طيب فقال له انت اللي كلمنا ابو رصيصة قال له البرصيصة قال له انا اللي انا الليولي الله. ده انت اللي بتعبد عبادة انا ما اعرفش اعدها. علمني انت حاجة ماما علمك الله -

00:20:10

الشيطان قال له طيب انا هعلمك اسم الله الاعظم. اللي لو قرأته على اي حد مسه جن الجن يسيبه فورا. وقام علمه اي اسم كذب كذب فيه على برصيصة ونزل الشيطان يكمل المهمة بتاعتة. بدأ الشيطان يمس انت ساميوني كده يا جماعة؟ الصوت واضح كده -

00:20:30

بل الحمد لله. بدأ الشيطان يمس واحد من اهل القرية. يجيده لمين؟ يجيده برصيصة العابد. برصيصة اول ما يقرأ عليه اسم اللي الشيطان علمه له يقوم الشيطان يعني منصرف عن هذا الرجل. فبقيت خلاص الموضوع كل ما حد يمسه الشيطان يجيده برصيصة. لحد ما مرة الشيطان راح -

بس اجمل امرأة في هذه القرية. اجمل فتاة في هذه القرية. جابوها برصيصة. جه يقرأ عليها الاسم اللي الشيطان علمه له. الشيطان ما ساهاش. الله فيه يقرأ عليها الاسم والبنت بتصرع. الذي ايه ؟ قام الشيطان قال له يا ابو رصيصة دي شكلها حالة صعبة جدا. انت سبها عندك في الصومعة -

00:21:10

تعبد ربنا وتتوب على ايديك ولما تتوب من زنوبيها لما تقرأ عليها الاسم الاعظم الشيطان هيسيتها وهيمشي. اهلها وافقوا ده برصيصة ما فيش حد ايه يعني ما فيش حد يخاف ان بروسيسة ممكن يعني ايه يؤذى حد من اولاده ولا حاجة. وسابوا الفتاة. كل شوية والفتاة مع برصيصة -

00:21:30

في الصومال وحدهم كل شوية الشيطان يصرعها تتكشف يصرعها تتكشف لحد ما برصيصة نفسه فتن بها ووقع في الزنا معها في حملة الفتاة الشيطان جه قال له انت هتسيتها بروسيسة قال اعمل ايه ؟ قال له انت لو سبتها انت آآ انت ما انتاش عارف اهل القرية يعملوا فيك ايه ؟ قال له طب اعمل ايه ؟ قال له -

00:21:50

قلت لها اقتلها ازاي؟ ده انا عابد لله. قال له اقتلها وبعد كده تب. اقتلها وبعد كده ارجع لربنا. اقتلها وتكون من بعده قوما تن صالحين وارجع بعدها تب واعبد ربنا. قتلها ودفنهما ولما جه اهلها. قال لهم بنتكم هربت بنتكم الشيطان اللي مسها. يعني هربت بقى وانا مش عارف -

00:22:10

راح فين ؟ الناس صدقوه. الشيطان راح لهم قال لهم بنتكم لا هربت ولا حاجة. اللي حصل كذا وكذا وبورصوصة قتلها ودفنهما في المكان الفلاني. راح اهل القرية لقوا الكلام مظبوط. طلع اهل القرية كلهم على برصيصة عايزين يقتلوه. حاصروا الصومعة بتاعتة. برصيصة جوة الصومعة هيموت من الرعب. الشيطان جا له -

00:22:30

قال له يا ابو رصيصة كل الناس دي عايزني تقتلك. قال له طب اعمل ايه ؟ قال له عايزني انجيك منهم؟ قال له اه. قال له اسجد لي يا برصيصة. قال له ايه ؟ قال له اسجد لي -

00:22:50

قال له اسجد لك ازاي؟ ده كفر. انت خلية نزني خليتني اقتل. انما اكفر لأ. قال له اسجد لي والا هاسيتهم يقتلوك. سجد له سابه دخلوا قتلوا مات كافر والعياذ بالله. مات كافر. يعني واحد واحد عاش على العبادة ويموت كافر -

00:23:00

يا اخواننا طب سبب ايه ؟ بسبب ايه ؟ بسبب حاجات كتير اوبي. اول حاجة ان هو ما احترمش انه انسان ضعيف. تلاقي شاب دلوقتي يقول لك مسلا ايه يتكلم مسلا مع فتيات او يقف في الجامعة مسلا او في الشغل بتاعه يكلم من لم يحل لا لهم ان هو يتكلم معهم ويقول لك -

00:23:20

لا لا انا عارف اصلها زي اختي. يا ابن اختك مين يا ابني؟ يا ابني هتضيع نفسك. يا ابني انت انسان ضعيف وخلق الانسان ضعيفا. تلاقي شاب يدخل على النت -

00:23:40

قل له مسلا خد بالك من موقع اللي مش كويسته يقول لك لأننا واحد بالي كويست لحد ما يضيع والعياذ بالله. يا ابني خد بالك الانسان ضعيف. ما تعرتضش نفسك -

00:23:50

تكلفتنا انت مش هتبقى قدها. انت مش هتقدر عليها. سبحان الله شاب من الشباب في المنصورة يعني امه اتصلت باحد اخوانا قال له الحقني ابني بيموت. وفعلا هو بيموت مش بيموت يعني مريض بيموت يعني في الاحتضار. فذهب اخونا اليه فبيقول دخلت لقيته - 00:24:00

فعلا يعني بيموت واصحابه حواليه وهو بيتص لهم بصمة يعني منكم لله. منكم لله زي ما ضيغتوني. فصاحبنا دخل قعد جنبه وقعد يطبطب طب عليه ويقول له رحمة ربنا واسعة. رحمة ربنا كبيرة. رحمة ربنا عظيمة. بيقول لقيت الشاب بدأ يبكي ويصرخ ويقول له رحمة ربنا دي مش - 00:24:20

لي انا رحمة ربنا دي مش للي زببي. انا وقعت في الزنا. انا شربت مخدرات. انا عملت كل حاجة. وقعد يصرخ ويبكي. فصاحب بيقول فقعدت اطبطب عليه واقول له رحمة ربنا واسعة. رحمة ربنا كبيرة. بيبقى قعدت اقول له احاديس الرحمة وايات الرحمة لحد ما هدي خالص. بيقول - 00:24:40

هيا وفتح عينيه تاني وبدأ بيكي تاني وبدأ يقول طب والزنا طب والمخدرات طب والزنا طب والمخدرات طب والزنا ورفع لسانه وما نزلوش. مات وهو مقهور على الاعمال السيئة اللي عملها في حياته. مات وهو بيندم على المعاصي اللي عملها في حياته. سبحان الله العظيم - 00:25:00

سبحان الله يا اخواننا قضية الخاتمة دي قضية عجيبة جدا. قضية الانسان هيموت على ايه؟ ده قضية عجيبة جدا. دي قضية محصلة العمر بتاع كله انت لو طالب بيزاكر خمستاشر ساعة في اليوم. قاعد على المكتب طول اليوم. واي واحد مننا فات عليه فجأة هيلاقيه بيعمل ايه - 00:25:20

اهو بالضبط كده اللي عايش على طاعة ملك الموت لو نزل عليه في جاهلية على ايه؟ على طاعة. طب اللي عايش على معصية ملك الموت لو نزل عليه فجأة على ايه؟ على معصية. طب الغافل اللي لا بيطبع ولا بيعصي ملك الموت لو نزل عليه فجأة. هيلاقيه على ايه؟ على غفلة. عشان كده - 00:25:40

قال تعالى يا ايها الناس مش يا ايها الذين امنوا يا ايها الناس نداء للعالم كله اتقوا ربكم ان زلزلة الساعة شيء عظيم. ده تسونامي لما نقطة في اندونيسيا اتزلزلت - 00:26:00

قالت هنرسم خريطة العالم الجغرافية مرة تانية. هل خريطة العالم في اماكن اتفيرت؟ او مال لما كسبت قررت يتزلزلوا؟ العلماء فقال لك فتنقل جبال البر الى البحر. وجبال البحر الى البر وجبال الشرق الى الغرب - 00:26:20

جبال الغرب الى الشرق. قال لك من قوة الزلزال بتاع يوم القيمة. ان زلزلة الساعة شيء عظيم. طب ربنا بيقول شيء عظيم ليه ربنا يعلم ان يوم القيمة ده حاجة فوق مستوى قدرة الانسان على الوصف. الانسان ما يقدرش. عشان كده ربنا بيقول للنبي عليه الصلاة والسلام القاري - 00:26:40

تعمل قارعة وما ادراك ما القارعة! وما ادراك! دا حاجة فوق مستوى قدرة الانسان على الادراك. انا مش هاقول لكم يوم القيمة انا هاقول لكم اللي هيشفو يوم القيمة هيحصل له ايه. ان زلزلة الساعة شيء عظيم يوم ترونها - 00:27:00

يوم ترونها كل الناس هتشوفها. المشهد ده مش واحد هيشفوه وواحد لأن. مش معنى انك ما بتفكرش في يوم القيمة انك مش هتعيشه. مش معنى انك ما بتتفكيرش في الدار الآخرة انك مش هتبقى من اهلها. ده كلام جاي يا جماعة. وفي - 00:27:20

في مشاكل لها حل ومشاكل ما لهاش حل. انا الوقت عطشان. دي مشكلة ولا لأن؟ مشكلة. لها حل. يا عم همد ايدي اشرب. طب ما فيش مایة. اما اروح اشرب. اي - 00:27:40

حاجة اي حل لها وخلاص. انما عطش يوم القيمة حله ايه؟ مشاكل الدنيا كلها حلها بسيط. انما يوم القيمة مشاكله ما لهاش حل حلها الوحيد انها ما تحصلش. حلها الوحيد انها لا تحدث. سبحان الله العظيم! يوم ترونها تذهل كل - 00:27:50

اعطن عما ارضعت. ذهول المرة الوحيدة اللي جه في القرآن فيها لفظ الذهول. يوم ترونها تذهل. كل مرضعة كل واحدة حاطة ابنها ضناها في حضنها وبترضعه. اول ما يبدأ زلزال القامة ترمي اللي في ايديها. عمه ارضعت ما عادتش دارية اللي في ايديها ده خشبة -

ولا طفل ولا ولا مش دارية يوم ترونها اقوى عاطفة بشرية في الحياة انهارت مع اول لحظات يوم القيمة انهارت اقوى عاطفة بشرية في الحياة مع اول لحظات يوم القيمة. ده احنا لسة - 00:28:30

في البداية يوم ترونها تذهل كل مرضعة عما ارضعت. سبحان الله! المشهد ده يا اخواننا يعني يعني ام ترمي ابنها ام ترمي ضناها. ربنا بيقول لك بيصرونهم. يود المجرم لو يفتدي من عذاب يومئذ ايه؟ بايه - 00:28:50

بايه؟ ايه يا رجاله؟ رجاله المخزن مش حافزين القرآن ولا ايه؟ ايوا كده ما شاء الله يود المجرم لو افتدي من عذاب يومئذ ببنيه. اولاده امي تتمنى انها ترمي ولادها في النار عشان هي تنجو. انا لي - 00:29:10

واحد صاحبي السخان ولع عليه وهو بيستحمي. السخان ولع نار. امه دخلت جوة النار جابت ابنها وخرجت. امه دخلت في النار جابت ابنها وخرجت. هل ايه النار دي اللي تخلي امي تتمنى ترمي ابنها فيها عشان هي تنجو. يبقى جهنم - 00:29:30

دي يا جماعة يبقى جانا قد ايه؟ قال تعالى ولا يسأل حميم حميم. يعني انت الحميم بتاعك اقرب الناس لك اقرب حبابيك ولادك اقرب احبابك في الدنيا لو شفتهم متآلين او عربية خابطة حد مسلا ربنا يعافيوك يعافيينا ويعافي من نحب يا رب - 00:29:50

ويعافي المسلمين اجمعين. انت هتجري وتقول له ما لك؟ يوم القيمة لا يسأل حميم حميم. ما حدش هيسأل في حد. ما حدش هييص لحد اني في عبارة آآ السلام تمانية وتسعين ام واب وابنهم الطفل الصغير وبنتهم لسه طفلة زي بترضع كده ها - 00:30:10

لما العبارة غرقت ونصها ولع نار. فكان يا الواحد هيتحرق يا الواحد هيغرق. وما كانش معهم غير طوق نجاة واحد. فجابوا ابنهم خطوه جوة طوق النجاة ده وحطوا اخته جنب معه وقالوا له يا ابني خد بالك من اختك. الوقت هيجي لكم قوارب انقاذه او هيجي لكم حد ينقذهم خد - 00:30:30

بالك من اختك واختار هو ومراته انهم يموتو بالمنزد ده عشان ابنهم يعيش. ده دي عاطفة الامومة تخيل ان اول عاطفة بتنهار يوم القيمة هي اكبر عاطفة في الحياة وهي عاطفة الامور. عاطفة الامومة تذهب كل - 00:30:50

عما ارضعت. كل الامهات ترمي ولادها. وتضع كل ذات حمل حملها. كل النساء الحوامل تسقط. بل كل الكائنات مش كل النساء. كل كان وترى الناس سكارى وما هم بسكاري ولكن عذاب الله شديد - 00:31:10

ده ربنا يا اخواننا بيوصف اول لحظات يوم القيمة. بيوصف بدايات يوم القيمة. ده لسه يا جماعة النار ما جاتش. يحملها لها سبعين الف زياب كل زمام ماسكه سبعين الف ملك. ده لسة يا اخواننا. ده لسه يا جماعة يوم القيمة ما حصلش فيه حاجة. ده يا اخواننا لسه الشمس - 00:31:30

ما بقتش على بعد ميل من الرؤوس. يا اخواننا ده لسة يوم القيمة بيبدأ وكل ده حصل. او مال لما يوم القيمة يزيد؟ الناس هيحصل لها ايه؟ الدنيا هيحصل فيها ايه - 00:31:50

اخواني واحبابي في الله احنا في زمن الغفلة. احنا في اكتر زمن ربنا عصي فيه في الدنيا كلها. احنا في اكتر زمن ربنا عصي فيه على وجه الارض. احنا في اكتر زمن حرمات الله انتهكت فيه. احنا في اكتر زمن - 00:32:00

قرئ فيه على الله سبحانه وتعالى. تلاقي الوقت واحد فاتح عصارة ولا حاجة ومشغل لك كاسة اغاني محمرة. ما للشارع تقول له يا عم الحاج طب شغل قرآن يقول لك الكاسيت ده هو اللي بيرزقني. استغفر الله العظيم امال ربنا بيعمل ايه - 00:32:20

الكاس الدواء اللي بيرزقك احنا في اكتر زمن يا جماعة الناس بعدت فيه عن ربنا. وفي اكتر زمن الشباب بعدوا فيه عن ربنا. عشان كده الزمن ده ما تلاقيش فيه واحد ماشي في النص. اللي بيعصي جاي بالآخر والعياذ بالله. واللي بيطير مجتهد في الطاعة -

00:32:40

اه بمنة ربنا سبحانه وتعالى عشان كده عايزين يا اخواننا نقف مع نفسنا وقفه نقف مع نفسنا وقفه هنقابل ربنا على ايه؟ بقول لكم الشاب ده واقف معه بقول له حرام تلات تيام مات. تلات تيام اتنين وسبعين ساعة. والله العظيم وانا باتكلم مع هزا الشاب -

00:33:00

اللي كنت بكلمه انا ما كنت متخيل ان هو يموت. وانا باقول له خاف من ملك الموت انا مش متخيل ان هو يموت. شاب زي الفل. مين اللي يتخيل ان ده يموت؟ الشاب اللي انا - 00:33:20

كنت واقف معه ده سبحان الله العظيم! قبلها بسأبIEEE يعني سبحان الله! الشاب ده اصلا كان له قصة تانية وده اللي خلاني اقول له خاف من الموت وانا واقف اتكلم معه اصلا - 00:33:30

كان اه يعني واحد شاب من الشباب عندها كده كان في اولى كلية. وخد اصحابه وطلعوا طلعة اسكندرية يشوفوا حياتهم يعني. وهم راجعين العربية بتاعته اتختبط. فدخلوا مستشفى على الطريق وهم راجعين المنصورة. فالدكاترة كشفوا عليهم قالوا لهم كويسيين يا روحوا. فصاحبنا وصل اصحابه وروح بيته - 00:33:40

اول ما طلع بيته بدأ نفسه يضيق وبدأ وشه يزرق وبدأ نفسه يتكتم ابوه جري به على مستشفى الطوارئ اللي في المنصورة قعدوا يعملوا له اشعة على المخ في الآخر قالوا لابوه ابنك حصل له كسر في العمود الفقري تحت المخ بالطبع. والنخاع الشوكي اقطع - 00:34:00

اه ابنك حتى لو عاش هيفضل طول حياته مشلول. شلالكم الرباعي؟ الشاب ده الله يرحمه. كنا بنزوره في مستشفى الطوارئ. قعدنا شهر زوره. قعد حوالي شهر ما بين عمليات في الرئة. عمليات في الدماغ. عمليات في العضم. عمليات في الرقبة. يعني الله يرحمه الشاب ده تاب لدرجة - 00:34:20

ان هو كان ممكن حد يروح يزوره ينادي عليه ما يرده عليه. فيجري ينادي الدكتور احسن يكون صاحبه مات يدخلوا عليه يلاقيه بيقول السلام عليكم ورحمة الله. السلام عليكم ورحمة - 00:34:40

معlesh يا جماعة انا كنت بصلي انا اسف. كان بيصلني. الشاب ده مات في اول رمضان. مات في اول رمضان. وكانت الجنازة بتاعته جنازة كبيرة. سبحان والله العظيم فالشاب ده لما مات احد اخوانى دكتور في كلية طب هو قعد اخوانى طلع قال كلمة على هزه الجنازة يذكر الشباب - 00:34:50

فلما وقفت مع الشاب اللي كنت بحكي لكم قصته في اول المحاضرة اللي هو واقف مع البنت وبيشرب مخدرات وما بيصليش. لما وقفت مع الشاب وانا بكلمه فالشاب ده طول الوقفة قعد يبص لصاحبى اللي معى ويقول له انا شفتكم فين قبل كده ؟ انا شفتكم فين ؟ وانا باحسب ان هو بقى ايه بيته الكلام عشان نسيبه - 00:35:10

ونمشي اترن فعلا شافه فين ؟ قال له انا شفتكم في جنازة محمد. الله يرحمه. الجهاز محمد؟ قلت له محمد مين ؟ قال محمد قلت له انت الشاب اللي في مستشفى الطوارئ قلت له انت كنت في جنازته! انت دفنت صاحبك بايديك ولسه واقف الوقفة دي! بتص لي بتص - 00:35:30

كده الله يرحمه. بتص لي بصلة يعني سازجة كده قال لي ده انا مش دفنته بايدي. قلت له امال ايه؟ قال لي ده انا كنت معه في العربية ساعة ما عمل الحادسة - 00:35:50

قلت له يا نهار ابيض! يعني انت ملك الموت نزل اخد صاحبك وانت ربنا اداك فرصة تانية ولسه واقف الوقفة دي. قلت له انت لو مت هتقول لربنا ايه؟ ده انت لسه صاحبك دمه ما بردش في القبر بتاعه. هتقول لربنا ايه؟ انت لو ما اعتبرتش ربنا هيخليلك عبرة - 00:36:00

قلت له الكلام ده وسبته ومشيت. وانا ما اعرفش فعلا ان لسة له اتنين وسبعين ساعة ويموت. ان لسانه تلات تيام ويموت سبحان الله العظيم نفس الكلمة اللي قلتها له دايت لو ما اعتبرتش ربنا هيخليلك عبرة نفس الكلمة دايت واحد صاحبنا في الطاهرة في شارع عباس - 00:36:20

خارج في رمضان بعد بالليل بقى خارج لقى اربعة شباب بيركبوا عربية كده وطالعین ايه بعد عباس العقاد بقى الاوتوكلاين بقى وطالعین حياتهم بقى شكلهم لا بيصوموا ولا بيصلوا. فعدى الشارع وراح لهم قال لهم يا شباب هو صاحبنا ده اسمه كريم؟ صاحبنا ده يعني ايه مش من النوع المتكلم او اي يعني - 00:36:40

فراح لهم قال لهم يا شباب لو ما اعتبرتوش ربنا هيخليلكم عبرة. عايزهم ييجوا يصلوا معه في الجامع. وفي رمضان ما يصلوشن حتى في رمضان فبصوا له كده قالوا له يعني ايه الكلام اللي انت بتقوله ده؟ فهم مش من النوع اللي بيعرف يتكلم او اي يعني. قال لهم يا شباب لو ما اعتبرتوش ربنا هيخليلكم عبرة. فلتاتة اتخقوا - 00:37:00

ومنه يا عم بلا خناقة وقاموا راكبين العربية. الرابع فضل واقف ما بينه وما بين اصحابه اللي في العربية. متعدد يدخل يصللي في الجامع ولا يركب مع اصحابه. فيبيقول له انت قصدك ابن - 00:37:20

الكلمة دي فكريم صاحبنا قال له يا ابني لو ما اعتبرتش باللي حصل لغيرك ربنا هيخليلك عبرة لغيرك. المهم التلاتة اتخقوا وقاموا نازلين شادين صاحبهم ومركيبيه وهو خلاص يا عم كبر بقى. وطاروا في شارع عباس العقاد خمسات وغرز وطلع امريكانى طاروا بقى يعيشوا حياتهم - 00:37:30

وهم طالعين من عباس العقل او توستراد وبيجرروا بسرعة جنونية قاموا داخلين في عمود نور. العربية ولعت. يعني صاحبى بيقول لي اربعة ما خرجوش متفحمين. بيقول للاربعة خرجوا بودرة. من كتر قوة النار اللي كانت عندهم. والعياذ بالله. بيقول فضة العربية - 00:37:50

ما بين عباس العهد الاسطورات فترة اللي معدى بيص عليها ويتعجب! سبحان الله العظيم! من حادسة بهذا المنز! يا اخوانا القضية يعني فجأة بقى كتير اوسي. الوقت سهل قوي انك تلقي فجأة فلان مات. فلان مات انا اقرب صاحب لي في الدنيا كلها مات في لحظة. بيتصلوا بنا فلان مات - 00:38:10

انا مش فاكر رد فعل صاحبى اللي ماسك التليفون قال لهم قصدكم ابوه ابوه مريض ابوه لسه الله يرحمه دافنينه من تلات تيام ابوه مريض وراجل كبير جدا قصدكم ابوه هو. يعني سبحان الله العظيم بعدها الواحد قال يعني اي حد ممكن يموت في لحظة يا جماعة. اي واحد مننا - 00:38:30

ممکن الليلة ينام في القبر ما ينامش في بيته. ماذا اعدت لهذا التوبة؟ ماذا اعدت لهذا القبر؟ ماذا اعدت ستة لهذا الحدث من الاحاديث اللي بتزلزل القلب. حديث ابي هريرة وهو حديث حسن. قال رسول الله صلى الله عليه وسلم ان الميت - 00:38:50  
اذا وضع في قبره فانه يسمع قرع نعالهم. اذا ولو مدبرين. فانه يسمع اسمه ايه؟ قرع نعالهم. قرع نعال مين؟ ها؟ المشييعين؟ ايوا. قال المشييعين. طب القرع ده لما اجي اجنة حديد واقوم نازل بها على حاجة حديد. يقوم يتسمع صوت القرع. هو المشييعين ماسكين حديد وقاعدین يخطبوا - 00:39:10

ده ده صوت رجلיהם وهي ماشية على التراب. هو صوت الرجلين بيعمل صوت يا جماعة؟ خفيف جدا جدا. او مال ايه قرأ عن علي القرع ده في ايه قلبه مصدوم مفروم هتسبيوني لوحدي وتروحوا فين؟ هتسبيوني لوحدي اعمل ايه هنا؟ هفضل هنا اعمل ايه - 00:39:40

ويا عيني فيه ناس بتدخل ابراط تلقيه خرابه. اتفتننت من السنطين ثلاثة. اللي عايشينهم فوق التراب. ونسدوا انهم يعيشوا تحت القبر ليوم القيمة وفي ناس فرشت قبرها من الان. فرشت قبرها من الجنـة من الان. فالنبي عليه الصلاة والسلام بيقول لك ان الميت اذا وضع في قبره فانه - 00:40:00

ويسمع قرع نعالهم اذا ولو مدبرين. فان كان مؤمنا. اسمع بقى العجب العجاب. فان انا مؤمنة لو كان مستعد في الدنيا لو كان مع ربنا في الدنيا اسمع كانت الصلاة عند رأسه - 00:40:20

الصلاه اللي اهتم بها وعظمها وخشع فيها. واجتهد في فروضها ونواقلها. تيجي عند راسه كده. جاية تعمل ايه؟ هتشوفه الوقتي كان الصيام عن يمينه. الصيام اخر يوم صمته امتى؟ فيه ناس يا جماعة اخر يوم صمته يوم تسعة وعشرين رمضان اللي فات دوت - 00:40:40

ولا تلاتين رمضان اللي فات ده؟ ده اخر يوم صمته لله امتى؟ وكان الصيام عن يمينه. وكانت عن شماله وكان فعل الخيرات من الصدقة والاحسان الى الناس عند رجليه. واقفين حواليه دائرة - 00:41:00

ما يدور ليه ؟ شف بقى اللي هيحصل دلوقتي فيؤتى من عند رأسه. مين اللي ياتيه ؟ ملايكة العذاب. ليه ؟ الراجل ده عمل المعاصي تستوجب عليها عذاب القبر. فملائكة عذاب جاية. قال لها طب وبعدين ؟ الراجل زمانه مفروع الوقت ملايكة العذاب جاية عليه. فتقول

- 00:41:20

الصلوة ما قبلى مدخل. الله اكبر! الله اكبر! ده اتاريني اللي واقفين داير ما يدور حواليه البودي جاردات فين يحفظوه واقفين يمنعوا عنه اي عذاب من انواع عذاب القبر. فيؤتى من عند رأسه. في الصلاة تقوم تقول الصلاة - 00:41:40

ما قبلى مدخل ما حدش معدى من هنا فيؤتى من عن يمينه ملايكة العذاب تيجي من على اليمين. فيقول الصيام ما قبلى في مدخل فيؤتى من عن شماله فتقول الزكاة ما قبلى مدخل فيؤتى من عند رجليه - 00:42:00

فيقول فعل الخيرات من الصدقة والاحسان الى الناس ما قبلى مدخل. الله اكبر! ايه الجمال ده! ايه العزمـة دـي! اـيه الروعة دـي العـبادات اللي اجتهـد فيها في الدنيا بقت حفاظ بقوا طقم حراسـة له من اي نوع من انواع عذاب القبر. طب انت لو انت في الموقف - 00:42:20

ده اـيه اللي هيـقف يـحامـي عنـك؟ اـيه اللي اـنت قـدمـته؟ التـاني بـقـى يـؤـتـى من عـنـد رـأسـه فـلا يـوجـد ما فيـش حاجة مـلاـيـكة العـذـاب جـاـية لـه ما فيـش حاجة تـدـافـع عـنـه. فيـؤـتـى من عـنـ يـمـينـه فـلا يـوجـد شـيـءـ. فيـؤـتـى من عـنـ 00:42:40

فـلا يـوجـد شـيـءـ. فيـؤـتـى من عـنـد رـجـليـه فـلا يـوجـد شـيـءـ ثم يـجـلسـه الـمـلـكـان مـشـعـوفـا خـائـفـة هـيـمـوتـ منـ الفـزـ. فيـقـولـان لـه أـرـأـيـتكـ اسمـعـ بـقـى السـؤـالـ الغـرـيبـ دـهـ. أـرـأـيـتكـ هـذـاـ الرـجـلـ الـذـيـ كـانـ قـبـلـكـ ماـذاـ تـقـولـ فـيـهـ؟ بـيـقـولـوا لـهـ اـنتـ كـنـتـ عـاـيـشـ فـيـ اـرـضـ كـانـ فـيـ نـبـيـ النـاسـ كـلـهاـ مـتـبعـاهـ - 00:43:00

الراجل ده اـنتـ قـولـكـ فـيـهـ اـيهـ ؟ الـراـجـلـ دـهـ كـانـ مـسـلـمـ ياـ جـمـاعـةـ. الـراـجـلـ دـهـ كـانـ مـسـلـمـ. وـكـانـ فـيـ الـبـطـاـقـةـ مـسـلـمـ. فيـقـولـ لهمـ لاـ اـدـريـ اـيـ رـجـلـ رـجـلـ مـنـ مـشـ عـارـفـ يـقـولـ مـحـمـدـ فـيـقـولـنـ لـهـ مـحـمـدـ صـلـىـ اللـهـ عـلـيـهـ وـسـلـمـ. اـنتـ مـشـ عـارـفـ سـيـدـنـاـ مـحـمـدـ عـلـيـهـ الـصـلـاـةـ وـالـسـلـامـ - 00:43:30

وـكـلـ لـاـ اـدـريـ سـمـعـتـ النـاسـ قـالـواـ قـولـاـ فـقـلتـ كـمـاـ قـالـ النـاسـ. الـراـجـلـ دـهـ كـانـ مـسـلـمـ فـيـ الـبـطـاـقـةـ وـلـكـنـ كـانـ شـاـكـكـ فـيـ دـيـنـهـ وـالـعـيـادـ بـالـلـهـ. فـلـمـ اـتـسـأـلـ عـنـ سـيـدـنـاـ مـحـمـدـ فـيـ الـقـبـرـ مـاـ عـرـفـشـ يـجاـوبـ ماـ عـرـفـشـ يـجاـوبـ. تـلـاثـةـ مـنـ اـصـحـابـنـاـ يـعـنـيـ تـلـاثـةـ شـبـابـ جـامـعـةـ مـاتـواـ عـنـدـ - 00:43:50

مستـشـفـيـ كـدـهـ فـيـ الـمـنـصـورـةـ كـانـواـ بـيـعـمـلـواـ غـرـزةـ كـدـهـ مـاـ بـيـنـ عـرـبـيـةـ نـقـلـ وـعـرـبـيـةـ تـانـيـةـ اللـهـ يـرـحـمـهـمـ مـاتـواـ. كـانـواـ اـرـبـعـةـ فـيـ الـعـرـبـيـةـ مـاتـواـ وـالـرـابـعـ نـجـاـ. الـرـابـعـ دـهـ جـابـ كـانـ الـكـلـامـ دـهـ مـنـ كـزـاـ سـنـةـ كـانـ لـسـةـ فـيـ شـرـايـطـ شـرـايـطـ كـاـسـتـ جـابـ شـرـيـطـ عـلـيـهـ دـمـ كـدـهـ شـرـيـطـ اـغـانـيـ لـوـاـحـدـ صـاحـبـنـاـ فـيـصـاحـبـنـاـ يـبـيـقـولـ لـهـ اـيهـ دـهـ ؟ قـالـ لـهـ دـهـ كـانـ اـخـرـ شـرـيـطـ - 00:44:10

يـسـمـعـوـهـ قـبـلـ ماـ يـمـوتـواـ. اـخـرـ شـرـيـطـ بـيـسـمـعـوـهـ قـبـلـ ماـ يـمـوتـواـ. الـمـهـمـ فـوـاـحـدـ سـبـحـانـ اللـهـ عـظـيمـ شـافـ وـاـحـدـ مـنـهـ فـيـ الرـؤـيـةـ بـعـدـ ماـ مـاتـواـ. فـبـيـقـولـ لـهـ عـمـلـتـواـ اـيـهـ جـاـوبـتـمـ عـلـىـ اـسـئـلـةـ الـقـبـرـ. قـالـ لـهـ اـتـنـيـنـ مـنـاـ جـاـوبـواـ وـوـاـحـدـ مـنـاـ ماـ جـاـوبـشـ. يـعـنـيـ الـكـلـامـ دـهـ يـاـ جـمـاعـةـ لـوـ دـيـ رـؤـيـةـ يـاـ اـخـوـانـ. هـوـ - 00:44:30

ممـكـنـ حـدـ مـنـاـ مـاـ يـجـاـوبـشـ يـاـ اـخـوـانـ اللـيـ بـيـجـاـوبـ فـيـ الـقـبـرـ اللـيـ عـنـدـ يـقـيـنـ اللـيـ عـنـدـ يـقـيـنـ فـيـهـ نـاسـ مـتـهـيـأـ لـهـ اـنـ سـاعـةـ الـمـوـتـ يـاـ عـمـ هـقـولـ لـاـ اللـهـ الاـ اللـهـ - 00:44:50

يـاـ اـخـوـانـاـ الـمـوـضـوـعـ مـشـ كـدـهـ. يـاـ جـمـاعـةـ دـهـ عـاـمـلـةـ زـيـ لـوـ اـنـاـ جـبـتـ مـوـبـاـيـلـ وـسـجـلـتـ عـلـيـهـ اـغـانـيـ. لـوـ قـعـدـتـ اـخـبـطـ عـلـيـهـ بـعـدـهـ وـاـقـولـ لـهـ طـلـعـ قـرـآنـ اـيـهـ ؟ هـيـطـلـعـ اللـيـ يـسـجـلـ عـلـيـهـ. فـكـلـ وـاـحـدـ سـاعـتـهـ بـيـطـلـعـ اللـيـ فـيـ قـلـبـهـ. اللـيـ فـيـ قـلـبـهـ. هـوـ - 00:45:00

وـاـنـاـ الـوـقـتـ لـوـ اـنـاـ جـبـتـ اـسـفـنـجـةـ وـحـطـيـتـهـ فـيـ مـاـيـةـ بـخـلـ وـعـصـرـتـهـ هـتـنـزـلـ عـسـلـ هـتـنـزـلـ مـيـةـ بـخـلـ. طـبـ لـوـ عـصـرـتـهـ وـهـيـ كـانـتـ مـحـطـوـطـةـ فـيـ مـيـهـ بـسـكـرـ هـتـنـزـلـ بـقـىـ بـصـوـتـ يـاـ اـخـوـانـ اللـيـ اـنـتـ بـتـقـولـهـ فـيـ الـقـبـرـ اللـيـ بـيـتـكـلمـ فـيـ الـقـبـرـ. اللـيـ بـيـتـكـلمـ فـيـ الـقـبـرـ قـلـبـكـ - 00:45:20

الـلـيـ بـيـتـكـلمـ فـيـ الـقـبـرـ مـاـ كـانـ عـلـىـ قـلـبـكـ. اـمـتـحـانـ الـقـبـرـ دـهـ اـمـتـحـانـ فـيـ الـعـقـيـدـةـ. لـاـنـ مـمـكـنـ وـاـحـدـ يـقـولـ لـكـ طـبـ اـنـاـ بـتـسـأـلـ فـيـ الـقـبـرـ

وبارجع تاني اتسأل يوم القيمة. طب ايه الفرق بين سؤال القبر وسؤال يوم القيمة؟ سؤال يوم القيمة في العمل. انما سؤال القبر في اليقين - 00:45:40

سؤال القبر في العقيدة مرحلة الموت دي كلها قبلها وبعدها امتحان في اليقين. عشان كده اخر فتنة الشيطان بيحاول يفتك بها. وانت بتموت اسمها فتنة الممات. فتنة ايه فتنة الممات ديت؟ ان الشيطان ييجي للواحد - 00:46:00  
هو بيموت ويحاول يشككه في دينه. يحاول يموته على الكفر والعياذ بالله. اللي ما عندهوش يقين ساعتها بقى يعمل ايه؟ اذا كان الشيطان وهو في قوته وشبابه. الشيطان هي عمل معه قوة في ضعفه. عشان كده يا اخوانا مرحلة الموت دي كلها محتاجة يقين. فهل اعدنا لهذا اليقين - 00:46:20

هل استعدنا لهذا اليقين؟ هل استعدنا لهذا الايمان؟ هل استعدنا يا جماعة؟ اخواني في الله كما قال النبي صلى الله عليه وسلم ان الرجل ليعمل بعمل اهل الجنة فيما يرى للناس. العلماء قال لك يعني ايه فيما يرى للناس؟ قال لك يعني ده قدام الناس بيطاطع ربنا - 00:46:40

ولما يتقلل عليه باب بيته لوحده بيعمل مصائب. معاشي السر والعياذ بالله. حتى ما يكون بينه وبينها الا ذراع. فيا بعمل اهل النار  
فيدخلها. يفصح عند موته بسوء الخاتمة والعياذ بالله. وانما الاعمال بالخواتيم - 00:47:00  
آخر عمل هتقابل به ربنا ده اخطر عمل في حياتك. اختار خاتمتك من الان. ازاي من عاش على شيء مات عليه اخواني واحبابي في الله ربنا يحفظكم وربنا يبارك فيكم. وربنا ينزل من بركاته ورحمته على اهل هذه القرية الطيبة المباركة. وربنا يجعل قرية - 00:47:20

المخزن كده يعني من البلاد اللي يخرج منها الهدایة للدنيا كلها. واللي اهلها بيقو من اطوع الناس لله سبحانه وتعالى وفتیات رجالا ونساء اسأل الله سبحانه وتعالى اللهم تب علينا لنتوب. اللهم تب علينا توبة ترضى بها عنا - 00:47:40  
اللهم تب علينا توبة ترضيك. اللهم تب علينا توبة لا نرد على اعقابنا بعدها ابدا. اللهم تب علينا توبة نصوحة. اللهم انا نستغفر فirok من كل ذنب عصيناك به ونستغفرك من كل صلاة ضيعناها ونستغفرك من كل - 00:48:00  
معصية سر جعلناك فيها اهون الناظرين علينا. ونستغفرك من كل امر فعلناه نظنه حلال وهو عندك حرام ونستغفرك من كل ذنب تبني

الى منه ثم عدنا فيه. ونستغفرك من كل نظرة حرام نظرناها - 00:48:20  
يا من تبسيط يدك بالليل ليتوب مسيء النهار. تب علينا يا ربنا من ذنوب الليل والنهار. اللهم انزل من بركاتك ورحماتك على اهل هذه القرية. اللهم انزل من انوارك وهدايتك على قلوب اهل هذه القرية. على رجالها ونسائها - 00:48:40  
وشبابها وفتیاتها واطفالها. اللهم الف بين قلوبهم. اللهم بارك لهم في ارزاقهم. اللهم بارك لهم في ارزاقهم اللهم اشف مرضاهم وارحم موتاهم وادي الدين عن مدینهم برحمتك يا رب العالمين. سبحانك الله وبحمدك اشهد ان لا اله الا - 00:49:00  
استغفرك واتوب الىك - 00:49:20